


Qasoqqaneq





Imarisai:

- 5 Qasoqqaneq
- 7 Qasoqqaneq allatut malugalugu
- 7 Qasoqqanerup allanngorarneri assigiinngitsut
- 8 Qasoqqanermut pissutaasut
Kræfteqartuuneq pissutigalugu qasoqqaneq
- 8 Kræftimut katsorsartinneq
- 9 Nappaatip katsorsartinnerullu sunniutai
- 9 Kræfteqartuuneq pissutigalugu
tarnikkut taqisimaneq
- 10 Qasoqqaneq qaangiuttussaq imaluunniit
ataavartoq
- 11 Timit aalatittaruk
- 12 Qanoq iliorsinnaanerit qanorlu
ilioqquneqannginnerit pillugu paasiniaagit
- 15 Naluttarfiit pillugit killissat
- 15 Iliuuserisat pillugit ullorsiusiorit
- 16 Skema: Nukissat, sinilaarneq iliuuserisallu
- 16 Timivit aalatittarnissai – allattukkit nutaanillu
anguniagaqalerit
- 17 Sinilaarnerit qasuersarnerillu pillugit imminut
alaatsinaanneq
- 17 Qasoqqanerup assigiinngissinnaaneri
- 17 Ulluinnaat pilersaarusrusiorfigikkit
- 18 Ullorsiutit
- 18 Sammisatit qasuersaarnitillu immikkoortikkit
- 18 Iliuuserisinnaasatit
- 19 Isumassarsiat pitsaviit: Piffissap ilaani
qasoqqanerpaaaffinni

- 19 Inuttut pisassat – soorlu uffarneq
- 20 Atortorissaarutaasinnaasut
- 20 Angerlarsimaffimmi suliassat
- 20 Naatsiivilerineq
- 20 Uumasuuitit aserfallatsaalinerlu
- 21 Errortassat
- 21 Niuerniarnerit
- 21 Iganeq erruinerlu
- 21 Meeqqanik isumaginninneq
- 23 Suliffik
- 23 Sulisitsisullu soorlu makkunanna
isumaqatigiissusiorsinnaavusi
- 25 Nerisassat imigassallu
- 25 Najoqqagassat proteinitallit
- 25 Ulluinnaat qasoqqaviit - sinik atoqatigiinnerlu
- 25 Sinittarneq
- 26 Sininnaveerneq
- 26 Inooqatigiinneq atoqatigiinnerlu
- 27 Allat aperikkit siunnersuutissaqarsinnaanerat
pillugu
- 27 Nakorsaq
- 27 Peqqissaasoq
- 27 Timigissaasoq (Fysioterapeut)
- 29 Inuussutissanik immikkut ilisimasalik (Diætisten)
- 29 Napparsimasut allat
- 29 Sumi ikorneqarsinnaavunga imaluunniit
siunnersorneqarsinnaavunga?

Qasoqqaneq

Kræftimik nappaateqartut amerlasuut piffissami aalajangersimasumi qasoqqasorujussuartut misigisimasarput - qasoqqaneq arlalinnik pissuteqarsinnaavoq. Kræfteqartuuneq pissutaasinnaavoq, - imaluunniit katsorsarneqarnerup kingunerisaanik qasoqqanerusinnaavoq.


Matumani atuarneqarsinnaapput qasoqqavallaarunnaarnissaq anguniarlugu siunnersuutit assigiinngitsut, kiisalu atuarneqarsinnaapput qasoqqaneq atoraluarlugu, ulluinnaat qanoq ililluni pitsaanerpaamik atorsinnaanerinut siunnersuutit.

Timi atorluartarlugu aalalluartarlunilu qasoqqaneq annikillisinnejarsinnaavoq.

Kræftimik nappaateqartut amerlaqisut nappaateqarnermik nalaani, aammali peqqissarnermik nalaani qasoqqanermik misigisimasaqtarput. Qasoqqaneq nappaammik, imaluunniit katsorsarneqarnerup kingunerisaanik pissuteqarsinnaavoq.

Qasoqqaneq amerlasuutigut allanngorarsinnaavoq. Piffissap ilaani inuunermi pisarnertut inuuusoqarsinnaavoq, aammali ilaanni qasoqqavallaarneq ulluinnarnik allannguisinnaasarpooq. Amerlasuut katsorsarneqarnermik kingorna misigisimasarput nukissaqaqqilerlutik qasoqqavallaarunnaarlutillu.

Qasoqqaneq iliuuseqarfingineqarsinnaavoq ulluinnarni atugaavallaa-runnaarluni, taamaattumik qasoqqaneq misiginngitsuusaagassaanngilaq.



Asseq:inuk Media ApS © / Nanortalik - Tasermiut 2010

Qasoqqaneq allatut malugalugu

Kræftimik nappaateqartuulluni aamma katsorsartilluni qasoqqaneq, nalinginnaasumik qasoqqasutut misiginitssiniit allaaneruvooq.

Nalinginnaasumik qasoqqaneq qaangerneqartarpooq qasuersareerenerup sinereernerullu kingorna. Taamaattorli qasoqqaneq ataavar-toq, qasuersarneq sinilaarnerlu atorlugit qaangeruminaatsinnejartarpooq.

Taamaattumik qasoqqanerup ulluinnaat sunniuteqarfingisarpai.

Qasoqqanerup allanngorarneri assigiinngitsut

Qasoqqaneq qasoqqanerinnaanngilaq. Inuit ilaasa misigisimasar-paat qasoqqaneq ulluinarni suunngitsunnguamik ajornartorsiutaasoq, piffissallu ingerlanerani qaangiutissasoq. Allat misigisimasarput qasoqqanertik nukissaaleqisitsisoq, isummamat inuuner-millu nuannarininnnermut aamma sunniuteqartitseqisoq.

Qasoqqaneq aamma ullormiit ullormut allanngorarsinnaavoq.

Ullut ilaanni assorsuaq nukissaaleqinarsinnaavoq, ullunili allani nukissaqarnerusutut misinnarsinnaalluni. Ullut ilaanni suliassat nali-nginnaasut ingerlaneqarsinnaasarput, ilaannili taamaatiinnarne-qartariaqartarlutik qasoqqaneq pissutigalugu.

Qasoqqagaluarlutit sapinngisamik pitsaasumik qasoqqavallaarnal-lu inuuneqarnissat pillugu assigiinngitsunik arlalinnik iliuuseqar-sinnaavutit.

Qaqutigorsuaannaq qasoqqaneq ataasiinnarmik nassuaatissaqartarpooq, taamaattumik akiorniarlugu iliuuserisinnaasat aamma kille-qarsinnaasarput, arlalitsigulli qasoqqaneq piffissap ingerlanerani qaangerneqartarpooq.

Nakorsaq peqatigalugu qasoqqanerit nassuaatissarsiorsinnaavat, soorlu aakilliorneq, ikinik aseruuttoorneq, nakorsaatit imaluunniit anniarnerit pissutigalugit qasoqqanersutit paasiniarlugu.

Qulaani taakkartorneqartut pissutigalugit qasoqqaguit, taava na-korsamiit nakorsaaserneqarsinnaavutit taamaalillunilu qasoqqavallaarunnaarsinnaassallutit.

Aamma imaassinnaavoq nerisat immikkut ittut, soorlu pissat-sinnartortaqarnerusut iluaqutaasinnaasut. Ilaanneeriarluni timip aalatittarnera/timersorneq kisimiitillugu aamma nukittoriartornartarpooq. Aamma imaassinnaavoq illit qasoqqasunngornerpit kingunerisaanik ulluinarni inuunerit tulluussarit qasoqqanerit akueralugu.

Qasoqqanermut pissutaasut Kræfteqartuu-neq pissutigalugu qasoqqaneq

- Kræfteqartuunerup timi allanngortittarpaa, timip inuussutissanik siaruarterinera (stofskifte) oqimaaqatigiikkunnaaraangat nukissaaleqineq qasoqqanarsirpoq.
- Timip sananeqaatai (celler) – aamma kræftip sananeqaatai – tassaapput timimi alaatsinaattuliuutaasinnasutut taaneqarsinnaasut (cytokiner). Kræfteqartuni taakkua nalinginnaasumiit amerlaningortarput. Cytokiner-it timimut assigiinngitsutigut sunniuteqartarput, soorlu kissarneqalersitsisinnapput, kissarneqarnerlu aamma qasoqqanartunngortarpoq.
- Nappaatip kingunerisaanik timip aakilliornera aamma qasoqqanarpoq (anæmi).

Kræftimut katsorsartinneq

- Kræftimut katsorsarneqarneq, soorlu pilatsinnikkut, kemoterapeerneqarnikkut imaluunniit qiingortarneqarnikkut.
- Nakorsaatit, soorlu nikallorujussuarnermut/isumallerner-mut iisartakkat, eqqissisaatit aamma anniarnaveersaatit, soorlu morfin imaluunniit nipaallisaatit allat (antihistamin) nerisat, sininneq timikkullu sukisaarsaарneq
- Uninngaannarluni sunnginnej, timersunngippallaarneq aamma silaannarissanngippallaartarneq

- Sinimmik qasuersarnermillu amigaateqarneq, imaluunniit nikingavallaartumik sinittariaaseqarneq.
- Nerisassanik imerpulasunillu amigartunik iisaqarneq. (Immaqa merianngunerit, nererusussuseqannginnerit, timminnerit, anarnaveernerit imaluunniit allat pissutigalugit iisaqarumannginnej).

Nappaatip katsorsartinnerullu sunniutai

- Aakilliorneq (anæmi), anernikilliorneq, aseruuttoornerit imaluunniit anniарnerit.
- Ippigisinnaasat pillugit iliuuseqarfingineqannginneq, ippigisinnaasammi allat nukissaaleqilersitsisarmata kiisalu qasoqqaneq annerulersissinnaammassuk.
- Sanigorneq nukeerukkiartornerlu.

Kræfteqartuuneq pissutigalugu tarnikkut taqismaneq

- Misigissutsikkut uisaruserneq (stress) aamma isumakuluuteqarneq
- Nikallorujussuarneq/isumallerneq. Nikallorujussuarneq pillugu nakorsaasertariaqarsinnaanerit eqqumaffiguuk, tamanna pillugu kingusinnerusukkut sukumiinerusumik atuagassaqassaaq.

Qasoqqaneq qaangiuttussaq imaluunniit ataavartoq

Qasoqqanermut pissutaasut suuneri, qasoqqanerup sivisussusianut aalajangiisiusarput.

Amerlasuut katsorsarneqarnerup nalaani, soorlu pilatsissimanikkut, kemoterapeerneqarnikkut qinngortarneqarnikkulluunniit qasoqqanertik misigisimasarpaat. Katsorsarneqarneq naammassippat nalinginnaasumik pitsangoriartuaartarpooq qasoqqanerlu annikilliar-tuaartarpooq suliaritinnerup iluatsilluarsimasup qaangiukkiartuaar-nera ilutigalugu.

Ilaalli katsorsareernerup kingorna ukiup ataatsip marlulluunniit qaangiunnerini suli qasoqqasarput, amerlasuulli katsorsarneqareernerup kingorna ukiup affaata ilivitsulluunniit qaangiunnerani nalinginnaasumik nukissaqaqqilersarput.

Katsorsarneqareernerpit kingunerujussua qasoqqaannavikkuit, eq-qumaffigisariaqarpat nikallorujussuuarsimanerlutit/isumatsassimamerlutit, taamaassappallu nakorsaatitortariaqassallutit.

Kiisalu pingaaruteqarpoq ulluinnaat inooriaaserlu, tamanna ajornasanngippat qasoqqaffiusut eqqumaffigissallugit. Amerlasuutigummi qasoqqaneq iliuuseqarfingineqarsinnaammatt.

Nappaateqarneq pissutigalugu qasoqqajuaannalerneq

Nappaateqartuuneq pissutigalugu inuit ilaannut qasoqqaneq sivi-soorsuarmik imaluunniit ataavartumik atorneqalersinnaavoq.

Tamanna imaassinnaavoq nappaatip siaruaasimaneranik imaluunniit aaqqissinnaannginneranik pissuteqartoq. Taamaassimappat qasoqqanerup ulluinnaarni annikillisarneqarnissaa suli iliuuseqarfinginiarne-qarsinnaavoq, soorlu annikitsunnguanik piviusorsiortunilli siunter-talorsorluni pilersaarusrionaanni. Immaqa siniffimmit ullaat tamaasa aqqarnissaq, inigisami angalaartarnissaq, immaqlu silamut ani-laartarnissaq siunniunneqarsinnaapput.

Qasoqqaneq qaangiuttussaq imaluunniit ataavartoq

Iliuuseqartarnissaq:

Imaaliornikkut qasooqqanaveersaarsinnaavutit

Kræfteqarnermik nappaateqartuulluni qasorujussuartaraanni, timip aalatittarnissaa qasullaarunnaarnarsinnaavoq kiisalu piumassuse-qarnarnerulluni.

- Timit aalatiguk
- Qanoq iliorsinnaanerit, qanorlu ilioqqusaanitit paasiniakkit
- Timip aalatittarnissaanut qasujaallisarnissamullu siunnersuutit

Timit aalatittaruk

Timikkut iliuuseqartarneq qasujaallisartarnerlu qasusarnermut malunnaatilimmik akiuussutaasinnaasut, misissuinerit misilitakkallu uppernarsisarpaat.

Taamaattumik timivit aalatittarnissaa pitsaasuuvvoq, naak qasoq-qagaluarlutit sapersutullu misigisimagaluarlutit. Naak nukissat annikkkaluaqisut amerlanerpaat nukissaqarnerulersutut misigisarp, inuummarinnerulersutullu misigisarlutik.

Taamaattumik timersuataarnissaq pitsaasaqaaq, naak qasunartutut sapersarnartutullu misinnartaluarluni. Naak pisinnaasakikkaluarluni amerlanerpaat nukissaqarnerulersarput taamaattumillu pitsaaneru-sumik inuuneqalersarlutik. Tamanna atuuppoq timersortarsi-mannngikkaluartunut aammali napparsimalerneq sioqqullugu timer-sortarsimagaluarlutik sivisuumilli iliuuseqarsimannngitsunut.

Timersorneq iluarusunnartumik qasutitsisarpoq, tamanna nappa-tearneq katsorsartinnerlu pissutigalugu qasunermiit allaaneruvoq.

Qanoq iliorsinnaanerit qanorlu ilioqquneqannginnerit pillugu paasiniaagit

Kræfteqaruit pingaaruteqarpoq paassisallugu titim qanoq ilunger-sortissinnaatiginerit. Periarfissatit killeqarfisassatillu pillugit nakorsaq imaluunniit napparsimmavimmi sulisut eqqartueqatigikkit.

Qanoq iliorsinnaanitit paasigukkit, taava pisinnaanerit kajumissutsillu naapertorlugit imminut unammisassissinnaavutit.

Pingaernerpaajuvoq ullut tamaasa aalasarnissat unittuunnginnissallu pillugu misilittaallutit.

- Kræfteqartunut qasujaallisarneq
- Timigissarnissamut qasujaallisarnissamullu siunnersuutit
- Timersummik aalajangersimasumik aallutaqaruit tamannalu nuannaralugu, taava ingerlatiinnaruk.
- Immaqa ukiorpaalunngortuni eqqarsaatersuuteqarsimavutit aallartikkusutannik arlaannik, soorlu sisornermik imaluunniit pisissaartartuunermik? Taamaassimappat taava tamanna aallartiguk.
- Timersortarfiit imaluunniit qasujaallisartarfiit arlapassuarnik neqeroortuteqartarpuit periarfissatsialasarlutillu. Tamakkua ullup qanoq ilineranut ilinnut iluarinartumut ammasarfeqartaramik.
- Timigissarnerit/eqaarsaariaatsit Yoga aamma Qi Gong sumiiffimmi ingerlanneqarpata, atussallugit pitsaviupput, tamakkua timersornerinnaanatik aammali ilungersunaratik uisarusernaveertsisinsinnaagamik, kiisalu isummamat patajaallisaasinnaallutik. Yoga assigisaallu sumiiffigisami aallunneqarpata, taakkua pillugit interneteqaraanni imaluunniit sumiiffigisami paassisutissiiveqaraanni ujaasisoqarsinnaavoq.

- Silaannarissumi pisuttuarnerit, arpannerit, imaluunniit cykelernerit qasujaallisaataapput aammali meriannguner-mut meriarnermullu akiuussutaalluarsinnaallutik kiisalu unnuakkut sinilluarnarsinnaallutik.

Timigissarnerit patajaallisunngortinniarlugu akuttunngitsumillu aalluttarniarlugu ilinnut pitsaassaqaaq ilalersoruit, ilassarsiguillu aalajangersimasunik isumaqatigiittalernissarsi siunertaralugu.

Taamaalillutit imminut pisassaqtittassaait inunnillu allanik aamma attaveqalerlutit.

Ulluinnarni inuuninnut timigissarneq immikkut pilersaarusrifiguuk aataavartunngortillugulu. Suut tamarmik iluaqutaapput, soorlu illup kaajallanna, nalinginnaasumik ornittakkannut pisunneq, tatsip sinaatigut pisuttuarneq imaluunniit timigissartarfiliarneq.

Ullormut pisut pillugit allattaavissannik pissarsiit, ullormi pisut ersarillisnpiarlugit. Taamaaliornikkut iliuusererutatit nutaatullu anguniakkatit kinguneqartilluassavatit.

Suarsunnguit iluaqtigisinnaasatit iluarisatit ujartukkit, soorlu allornernik kisitsissutit, ajaappissat pisuutit imaluunniit cykelinut ikkussinnaasut qarasaasiaarannguit, taakkua iluaqtigalugit qanoq sivisutigisumik artornartigisumillu cykelertarsinnaanitit aalajanger-sorsinnaagakkit.

Timigissarneq ajornassappat taava taarsiullugu aallussinnaavatit ulluinnarni iliuuserisinnaasatit, soorlu pisiniarfiliarnerit, igaffimmukarnerit assigisaallu.



Naluttarfiit pillugit killissat:

Sumiiffinni naluttarfilinni nalukkiartarnissaq pitsaassanngilaq mak-kuninnga atugaqaruit: Qinngortarneqarnerup kingunerisaanik am-mikkut ippinniuuteqaruit.

Timit illersuutissartaqarpallaanngippat, soorlu kemoterapiip atorne-qarnerata kingorna aanniittut akut ilaat annikillisimappata.

Inuunerippallaanngikkuit, soorlu nuallunniartutut, aseruuttoorniar-tutut imaluunniit viruseqarniartutut misiguit.

Timikkut ikeqaruit imaluunniit slangemik ikkussigivigineqarsima-guit aseruuttoorfigisinnaasannik.

Iliuuserisat pillugit ullorsiusiorit

Kræftimik nappaateqaruit qasoqqasorujussuullutilu, ilinnut ilua-quatasinnaavoq ullormi pisut pillugit oqaasinnguanik ullorsiu-siorlutit allattuisarnissat. Tassani allassinnaavatit qaqugukkut nu-kissaqarsimanerit, eqiinngaarinneerit, kiisalu qaqugukkut qasoqqa-nerpaanerlutit.

Ullormut allattuveqaruit pitsaassaaq qaqugukkut qasunerit eqiinga-nerillu, qanorlu iliuuserisatit pillugit allattuigit. Qanoq iliorsinnaani-tit pillugit piviusorsiortumik imminut maleruagassigit.

Kræfteqarnermiik nappaateqartuunerit pillugu ulluinnaat atukkatit qasoqqanarpata, taava ilinnut pitsaassaaq, qasunitit, sunik nerinitit, qasuersaarnnitit timikkullu aalanitit pillugit ullorsiusiussaguit.

Aamma ullormut pilersaarutitit allattortarsinnaavatit.

Ullorsiutit allattuivit iluaqtigisinnaavat, tassani nalunaarsorsinnaa-gakku ullup qanoq ilinerani eqiinganerunerit, tassanilu paasisinaallu-gu katsorsarneqarninnut imaluunniit sumut tunngatillugu qanoq misigisimasaqarnerit. Tamanna tunngavigalugu iluuseqarsinnaanerit nalunaallisarsinnaavat.

Kiisalu allattukkatit iluaqtigalugit nakorsaq isumasioqatigisinnaavat qasoqqaneq qanoq iliuuseqarfigisinnaanerlugu.

Napparsimmaviit peqqissaaviit amerlanerpaartaat ullormut pisunik immersuveqartarpuit, akunnerit ingerlanerini sunerit pillugit allat-tuivigisinnaasanik (Skema). Taakkua apeqqutigikkit.

Skema: Nukissat, sinilaarneq iliuuserisallu

Apeqqutit illit nammineq ilinnut apeqqutigisinnaasatit, ullormut allattuivimmut allassinnaasatit:

- Sunik nerisaqarpit, sunillu imigaqarpit - kimilinnik naammattunik iisaqarpit?
- Qanoq iliorsinnaavit?
- Suut saperpigit?
- Qaqgukkut qasoqqanerusarpit?
- Taava qanoq iliortarpit?
- Timit qanoq aalatitsigaajuk?
- Timivit aalatittarnissaani suut anguniagaraagit?

Ullorsiutinnguami aamma allattorsinnaavatit iliuutsit qasunarisatit, iliuusererusuukkaluarlugillu unitsiinnartariaqakkatit. Soorlu atisaler-sorniaruit qanoq iliornitit qasunarivigit? Aniniaruit? Majuartarfikkut qummukarnitit?

Aamma allattorsinnaavatit ulluinnarni iliuusererusutaraluatit sape-raangakkit taava qanoq iliortarnitit. Allatut timikkut iliuuseqarpit? Ingiinnarpit? Innarlutit qasuersaarpit? Sinippit?

Timivit aalatittarnissai – allattukkit nutaanillu anguniagaqalerit
Ullorsiutinnguit atorluaruk sunitit tamakkerniarlugit, suut tamarmik apeqqutaapput. Illup iluani pisunnerit, anilluni pisunnerit, timigis-sartfimmullu pisunnerit.

Kiisalu ullormut aallukkusutannik anguniagaqalersinnaavutit.

Anguniakkatit pillugit imminut pakatsisinnginnissat pillugu piviu-sorsiorit, aammali nutaanik anguniagaqalersarit.

Taamaaliornikkut ulluinnarni inuuninni timikkut iliuuseqartarnissat pilersaarusiorgfigisinnaavat.

Timikkut eqiinngaarinneq timigissartarnerlu qasujaallisaataasarloq, kiisalu nukissaqnerulersitsisinjaalluni, aamma tamanna atuuppoq misigisimagluaraanni iliuuseqarnissamut nukissaqarani.

Amerlanersaasami nukkassutiginerusarpaat inuunerminnilu pitsaa-nerusutut iluarusunnarnerusutullu misigisimasassallutik.

Tamanna atuuppoq siornatigut timersortuugaanni aammali nap-parsimalernissaq sioqqullugu timersortuu simannngikkaluarluni taa-maannartarpooq.

Sinilaarnerit qasuersarnerillu pillugit imminut alaatsinaanneq
Ullormut innarlutit qasuersaarnitit imaluunniit sinilaarnitit nalunaatqatalersorlugit allattukkit.

Taamaaliornikkut illit nakorsavillumi aamma malussarfingerusinnaavaa qasunerpit ulluinnaat qanoq sunniuteqarfinginerai.

Kiisalu aamma ulluunerani sinilaartanerpit unnuami sinittarnerit atuumassuteqarfingisinnaaneraa nalunaarsuinikkut malussarfingersinnavat.

Qasoqqanerup assigiinngissinnaaneri

Qasoqqaneq assigiinngissuseqarpoq. Qasoqqanerup nalilersinnaaneranut nallersuutaasinjaavoq qanoq iliuuserisinnaasat annertussusi.

Toqgarneqarsinjaavoq qasoqqanerup sakkortussusianut malussarnermut nalilersuusiorneq.

- Qasoqqannginneq
- Qasoqqalaarneq – suliarisartakkanilli tamakkiilluni naammassinnilluni
- Qasoqqanerulaarneq – suliarisartakkat amerlanerit sapernagit
- Qasoqqaneruneq – suliarisartakkanut sapinnginneq, taamaattorli ingerlannerini qasuersaartariaqartarluni
- Qasoqqalluarneq – pisunnissaq sapernarpoq, illup iluani suliaqarnissaq, pisiniarfiliarnissaq iganissarlu ajornakusoortut
- Qasulluinnarneq – ulloq naallugu innarluni qasuersaartariaqarneq imaluunniit sinilaartariaqarneq

Ulluinnaat pilersaarusiорfigikkit

Kräftimik nappaateqaruit qasoqqalluinnarlutilu allaat ulluinnarni suliarisinnaasannut tamanna sunniuteqarluni, taava ilinnut iluaquataasinnaavoq ulluinnaat pilersaarusiornissaat – taamaaliornikkut qasoqqaneq nukillaarsaataajunnaamissammat.

Pingaaruteqarpoq paassisallugu qaqugukkut nukissaqarneruneq, ullaakkut eqiinngaarinneruguit taava pingaaruteqartitatit nuannaarutigisatillu tassani aallussinnaavatit.

Ullorsiutit

Ilaasa ullorsiutornermikkut paasisatik iluaqtigisarpaat, tassani ersarinnerusarmat qaqugukkut nukissaqarneruneq, taamaaliornikkut pilersaarusiornissaq pisariinnerussammatt.

Sammisatit qasuersaarnitillu immikkoortikkit

Sammisaqarninni qasuersaarninnilu qanoq misigisimanerpit assi-giiningissutaa maluginiassallugu pingaaruteqarpoq, aamma tamanna pingaaruteqarpoq ima napparsimatigiguit piffissap annersaani innangaannalersimallutit.

Tassami kisimiitilluni sinilersornermi ullup qanoq ilinera paatsivee-ruttoorneqarsinnaavoq - tamanna amerlaqisut nukillaajallassutigi-sarpaat, piffissammi qanoq ilinerata ilisimaarilluarnera iluarusuutinut ilaammat.

Iliuuserisinnaasatit

- Imminut isumaginissaq, soorlu uffarluni, asattorluni allatigulluiminut sammineq pillugit ullormut pilersaarusrorit, tamakkua qasuallaannginneruninni aallunniassagakkit – ullaatungaa piffissatsialattut amerlanerit isigisarpaat.
- Iliuuserisinnaasatit sinnernagit pilersaarusrorit, - tamanna ulluinnaat atornerini iluarusunnissaannut pitsaaqutaassamat.
- Ullormut arlaleriarlutit sivisunngitsunik qasuersaarit - suunngitsunnguamik sinilaarnitit nukittorsaatigissavatit unnuanilu sininnissannut akornutaatissanagit.
- Ikinngutit ilaqtuttatillu oqaloqatigikkit qasunerit qanoq misignerlugu, aamma qasunerpit qanoq oqilisarnerusinnaanera pillugu eqqartuigtsi.
- Sapinngikkaangakk iliuuseqarniaannavittarit, soorlu arpannermik, pisuttuarnermik, cykelnermik, aneerner-mik immaqalu allakkat nakkartitsiviat alakkarlugu, aamma sinifinniit aqqarlutit nerisarit.

- Proteineqarluartunik nukissaqarluarnartunillu nerisaqarit taamaaliornikkut sanigornissat pinngitsoortinniassagakku kiisalu nukittunerit attatiinnarsinnaallugu.
- Pisinnanavivit killeqalernera akueriuk. Illit nammineq suliarisinnaasatit, allanullu suliaritissinnaasatit pillugit immikkoortiteriit pingaarnersiuillutit.

Isumassarsiat pitsaviit: Piffissap ilaani qasoqqanerpaaffinni

Napparsimanerpit imaluunniit katsorsarneqarnerpit nalaani qasoq-qanerit annertunerusinnaavoq nalinginnaasumillu iliuuserisartak-katit nukissaqarfingineqanngitsutut ilisarput.

Qasoqqarujussuarneq arlalinik pissuteqartarpooq, soorlu kemoterapii imaluunniit qinngortartinneq pissutigalugu timinniittooq aak amigaateqalersinnaavoq qasoqqassutigilikkannik. Imaluunniit anersaartornikkut akornuteqarsinnaavutit nukissannik arsaartuisutut ittumik taamaattumillu qasoqqanerulersillutit.

Aamma imaassinnaavoq napparsimanerit pissutigalugu qasoqqa-nerusinnaasutit.

Qasoqqasorujussuuuguit pisassatillu nalinginnaasut nukissaqarfingi-nagit, taava ataani siunnersuusiat iluaqtigisinnaavatit.

Maluginiarukku nukissaqarneruleriaartuaarlutit ilinnut iluaqutaas-saqaaq pisassatit nalinginnaasut nangeqqikkukkit, timivillu aalatit-tarnera nangeqqillugu.

Inuttut pisassat – soorlu uffarneq:

- Uffarfinniittussamik bænkimik issiavigisinnaasannik pissarsiit, immaqa kommune aqqutigalugu. Taanna uffarninni issiavigisinnaavat, aammali kigutigissarninni immaqalu unngiarnninni issiavigisinnaavat.
- Tigummivik iikkamut ikkussaq aamma uffarfimmuit niviningassallugu iluaqutaassaqaq.
- Allarummut taarsiullugu makittaaserit.
- Isikkakkut atukkatit pisariuallaassanngillat, soorlu attasersortagaavallaassanngillat, singersortagaavallaaratillu.

Atortorissaarutaasinnaasut

Ulluinnarni atortorissaarutaasinnaasut, soorlu uffalernermermi issiaviu-sinnaasoq iikkamullu ikkussinnaasoq tigummivik pillugit najuga-qarfinni kommune saaffiguuk.

Angerlarsimaffimmi suliassat

- Pisassatit immikkoortiterlugit sapaatip akunnerata ingerlaneranut agguataarlugit inissitsitikkit.
- Pisinnaatillutit pisariaqartillugulu issiagit - soorlu naatsianik qalipaajaaninni.
- Angerlarsimaffimmi suliassat soorlu eqqiaaneq allanut suliakkiissutigiuk - tamanna pillugu pisortat nammi-nersortullu ikiortiserisinnaavatit.

Naatsiivilerineq

- Naatsiiveqaraanni, naatsiivilerinerni pisariunngitsuni issiavigisinjaasaq pukkitsunnguaq iluaqtaasinnaaqaaq
- Imaassinjaavoq aamma naatsivivit suliarinissaanut piffissami sivisunngitsumi ikiortserneqarsinnaasutit
- Qanigisat eqqaamiullu napparsimalernermi amerlasuutigut ikuukkusuttarput.Taamaattumik suliassanut annertuneru-sunut, soorlu illup silataani suliassanut ajornasaarani iki-or-neqarsinnaassaatit, taamaattumik avatangiisitit ikiortiser-isallugit nangaasassanngilatit.

Uumasuudit aserfallatsaalinerlu

- Uumasuuteqaruit, soorlu qimmimik allanilluunniit piffissallu ilaani illit isumagisinjaanngisannik, tamanna pillugu qanigisatit eqqaamiutillu ikiortiserisinnaavatit. Inoqatit amer-lasuutigut ikuukkusuttarput pingaartumik napparnermi.
- Aserfallatsaaliugassat napparsimalernissat siogqullugu siunniussatit pillugit kinguartitsisinjaavutit imaluunniit akiliillutit sulisitsisisinjaavutit.

Errortassat

- Errortanut panersiivik assorsuaq iluaqutaasinnaavoq.
- Manissagassaqaraanni ingilluni manissaasoqarsinnaavoq manissaammillu oqitsumik manissaateqartoqarsinnaavoq.
- Errorsissunneqarnissat isumagiuk.

Niuerniarnerit

- Pisiassat allattukkit, pisiniarfiup ilusaa malillugu (Uteqattaannginnissaq pillugu).
- Pisiassavit puussaat kaamisartartuutigut assakaasulik, pisiniarfullu inukinnissaa eqqoriartaruk.
- Pisiatit allamut poortortikkit imaluunniit allat tigummiatorikkit imaluunniit internetikkut ajornanngippat niuerniarit.

Iganeq erruinerlu

- Nukissaqartillutit igaatit amerlanaakkit ilaallu qeritsivimmut imaluunniit kingusinnerusukkut nerisassatut illuarlugit inissikkit.
- Ajornanngippat atortut innallaagissamoortut atukkit, soorlu saviit agguissutissat, aalaterutit assigisaallu. Igaassanik piareersaaninni ajornanngippat ingillutit suliarikkit.
- Errugassat kinikkit erruitinnak imaluunniit erruinermut maskiina atoruk.

Meeqyanik isumaginninneq

- Meeqqat sammisaqaqtiginerini issiasinnaanissat qulakteeruk.
- Meeqqat illup iluani suliassanut pisariitsunut ikiortiserikkit - meeqqat iluaqutaasinnaagaangamik nuannarisqaat.
- Neqeroorfingineqaruit meeqquerivimmukaassisussamik imaluunniit atuarfliaassisussamik taakkua akuerikkit.



Asseq: inuk Media ApS © 2010

Suliffik

Suliffeqaruit nappaatillu pillugu qasoqqallutit, imaassinjaavoq sulinerit ingerlatiinnarsinnaagit, immaqlu immikkut ittumik isumaqtigiissusiorlutit tamanna aaqqissinnaavat.

Pitsaassaqaq illit kommunerisanni inunnik isumaginninnermut saaf-finginnitarfik saaffigigukku. Imlauunniit sulinermik inuussutissarsiortut peqatigiiffiat/kattuffiat aamma sillimmasiisarfik saaffiguuk, ilinnut periarfissat qanoq ittuunerinik paasiniaavigalugit.


Kiisalu Neriuffik saqqummersitsinikuuvoq kræfteqalernermi pisin-naatitaaffit pillugit, taanna apeqqutigiuk ilinnut sullisisunut.

Amerlasuut misigisimasarput sullivitsik nappaateqarnerminnut pui-gorsaataasoq. Taamaattumik, immaqa qasusaraluarlutit ilaanni suli-artortarerit nukittorsaatigisinnaavat kiisalu inuunermik nalinginnaa-sumik akuuffittut misigisimasarlugu.

Sulisitsisullu soorlu makkunanga isumaqtigiissusiorsinnaavusi:

- Sulinerit sivikillisissinnaagit,imaluunniit nukissaqarnerit naapertorlugu sulinerit aaqqissorsinnaagit ullup qanoq ilineranut tulluussarlugu.
- Sulliviit nukersoriusimappat suliatit oqilisarsinnaavasi.
- Suleqatit aalajangersimasoq ilinnut ikiuisussatut toqqar-neqarsinnaavoq.
- Sulinerpit nalaani ullup ingerlanerani qasuerserfissinne-qarnissat.
- Angerlarsimaffiniit sulisinnaasariaqarnerit.
- Pisariaqartillugu sulinngiffeqartarnissat,soorlu katsorsartif-fivit kingornani ulluni aalajangersimasuni.

Sulinerpit nalaani ullorsiusiornnini pisariinnerusumik paasisinnaavat qaqugukkut nukissaqarluarnerit, tamannalu tunngavigalugu pilersaarusiorit.



Nerisassat imigassallu

Kræfteqaruit qasoqqasorujussuartullu misigisimallutit, taava imas-sinnaavoq timivit inuussutissanik suliarinninnera qaffasippallaartoq, taamaalillutillu nalinginnaasumiit nukissannik atuinerullutit.

Napparsimanerit pillugu timivit pisariaqartinnerusai tassaapput nukkannartut peqqinnartullu - tamannalu nalinginnaasumik nerisarninnut sunniisinnaavoq. Immaqa neriumaataalernekuuvutit, inuussutissat imigassallu amigartut iisalerlugin. Taamaappat taava qasoqqaneq ilasarneqassaaq.

Nerisinnanerit killeqarpat, taava pingaaruteqarpoq iisavit nukissa-qarnarnerunissaat proteinitaqarnerunissaallu.

Najoqqagassat proteinitallit

Proteininik imallit nakorsaaserivinni pissarsiarineqarsinnaapput.

Tamanna pillugu nakorsaq innersuussummik tunisisinnaavoq.

Proteinitalinnik akullit najoqqagassat assigilngitsorpaaluit pissarsiappa, taakkua immuttaqarsinnaapput aammali immutta-qanngitsut pineqarsinnaapput. Misileraruk sorliit ilinnut iluarinar-nerpaanerunersut.

Ulluinnaat qasoqqaviiit - sinik atoqatigiinnerlu

Naak kræfteqartuugaluarlutit taamaammallu nukissaqanngitsutut misigisimaluarlutit kiisalu ullup ingerlanerani sinilaarusuttaraluar-lutit, pitsaassaqaaq sinittarnitit allanngorarpallaanngippata.

Qasoqqanerup aamma atoqatigiinnikkut inuuneq sunniuteqarf-igisarparaa perusussuseerunnarsitillugu. Pitsaassaqaaq aappat tamatuminnga oqaloqatigigukku.

Sinittarneq

Pingaaruteqarpoq sinittarnitit assigiaakannerpata - naak immaqa piffissap annersaani siniinnavikkusukkaluarlutit.

Ullup ingerlanerani sinippallaarsimagaanni uggornaqisumik unnu-akkut sinilluarnissaq ajornakusoorsinnaasarpooq.

Ullup ingerlanerani allattortakkit qanoq ilinikkut sininnerlutit qa-suersaarnerlutilluunniit. Taamaaliornikkut ersarisisissinnaavat ulluk-kut sinittarnerpit unnuakkut sinissinnaanerit sunniuteqarfifisar-neraa.

Sininnaveerneq

Unnuakkut sinissaaleqiguit unnunnerani kaffisorneq, tiitorneq cigaretsitornerlu pinngitsoortinniassavatit, taakkuami eqiissutaasinnaamata.

Iluaqutaasinnaavoq kissartumik uffarneq, atuarneq, niplersuutinik sallaatsunik tusarnaarneq imaluunniit innalinnginnermi immummik kissartorneq kammillete-tornerluunniit iluaqutaasarpooq.

Taamaaliooreeraluarlutit sininnaveeruit pitsaanerussaaq makillutit pi-sassarsioruit.

Inooqatigiinneq atoqatigiinnerlu

Qasoqqagaanni, qaavatigullu ernummateqaraanni eqqarsaatersuu-teqaraannilu tamanna atoqatigiinnermut akornutaasinnaavoq perusseeruttoqartarmat.

Paasinerluisinnaanerit amerlasuut pinngitsoortissinnaavatit taman-na pillugu aappat, illit qanoq misigisaqarninnik oqaloqatigigukku.

Kiisalu illit nakorsat, peqqissaasoq atoqatigiinnermullu immikkut ilisimasaqartulimmiikkuit taakkua eqqartuiffigisinnaavatit atoqati-ginneq pillugu.

Atoqatigiinnermut kajumissuseqannngikkaanni atoqateqartariaqanganilaq. Aammali nutaamik iliuuseqarnissaq, eqqarsaatersuutigine-qarsinnaavoq. Soorlu attuuqaqatigiinnikkut pisoqarsinnaavoq, aam-mali immikkut atortorissaarutit atoqatigiinnermut tunngasut iluaqu-tiginiarneqarsinnaapput.



Sininnaveerneq

Allat aperikkit siunnersuutissaqarsinnaanerat pillugu

Kræfteqartuulluni ilaanneeriarluni qasorujussuarnartarpoq. Amerlasutigut qasoqqaneq annikillisarneqarsinnaavoq, tamannalu ajornanngitsillugu atorluartariaqarpoq. Illit qasoqqanerit pillugu allanik oqaloqateqassaguit pitsaassaaq ulluinnarni misigisatit qasoqqaninut tunngasut allattorsimagukkit. Taamaaliornikkut takuneqarsinnaavoq ullup qanoq ilinerani nukissaqrnerunersutit, aammali qaqqugukkut sammisartakkatit unitsissa-neritit takuneqarsinnaavoq. Ullormut qasuersaarfitit allattorukkit taakkua takussutaasinnaapput qasoqqanerit sumik pissuteqarsin-naanersoq. Taamalillunilu qanoq iliuuseqarfinginissaajornaannerulissalluni.

Nakorsaq

Qasoqqanerpit tunngavia pillugu illit nakorsallu oqaloqatigiinnissarsi pingaaruuteqarpoq. Nakorsaativit immaqa allannguuteqarnissaa pisariaqarpoq, imaluunniit aseruuttoorsimaguit aakillioruilluunniit tamanna nakorsap iliuuseqarfingisinhaavaa.

Ulluinnarni pisut pissuserisimasatit taamaatittariaqakkat pillugit allattuisimaguit, taava nakorsamik oqaloqateqarninni allattukkatit iluaqtaasinnaapput taamaalilluni ikiorneqarsinnaanerit ajornaannerulerlunilu ersarinnerussaaq.

Peqqissaasoq

Uninngavinni sulisoq peqqissaasoq pitsaasunik siunnersuuteqarsin-naavoq qasunerit annikillisarniarlugu.

Iluqaqtaasinnaavoq peqqissaasumut eqqartorukku illit qasunerit qanoq misiginarnersoq, soorlu unnukkut eqqisisimpiarsinnaanngik-kuit tamanna aamma pitsaanerpaamik qanoq iliuuseqarfingineqas-sanersoq eqqartorsinnaavarsi

Timigissaasoq (Fysioterapeut)

Unnukkut eqqissivissaaleqisaruit timivit qasukkartinnissaa qasuer-sernernilu qanoq iliuusissatit pillugit timigissaasoq oqaloqatigis-innavat.

Inuussutissanik immikkut ilisimasalik (Diätisten)

Inuussutissat pillugit immikkut ilisimasalik ikuuussinnaavoq, nerisat suut siunnersuutigisinnaanerlugit, taamaalillunilu nukissaqarluar-nerunissaq anguneqarsinnaalluni. Ilaanneeriarluni aamma nerisas-siornermut maleruagassanik pitsasunik tunniussassaqarsinnaasar-poq.

Napparsimasut allat

Kræfteqartuulluni ulluinnaat pillugit siunnersuutissanik pitsaaner-paanik tunniussaqarsinnaasut akuttunngitsumik tassaasarpus nap-parsimasut allat. Taamaattumik nakorsiari finni utaqqinermi nappar-simasut allat attaviginissaat pingaaruteqarpoq, taakkua qasoqqa-nertik pillugu qanoq iliuuseqarneri iluaqutaasinnaammata.

Sumi ikiorneqarsinnaavunga imaluunniit siunnersorneqarsinnaavunga?

Kræftimut akiuiniarluni suliniaqtigiaffik, Neriuffik Kalaallit Nunaanni sumiiffinni amerlasuuni immikkoortortaqartaqarfeqarpoq. Ilinnut qaninnerpaaq sumiinersoq qanorlu saaffigineqarsinnaanersoq pillugu napparsimmavimmi sulisunut nakorsamullu paasiniarsin-naavat.

Imaluunniit Neriuffiup Kattuffia Nuummiuttoq saaffigisinnaavat uunga:

Neriuffiit Kattuffiat
Postboks 1546
Aqqusinersuaq 48
3900 Nuuk
Tlf. +299 49 04 89 Fax: +299 31 25 04
E-mail: neriuffik@greennet.gl
Internetikut nittartagaq: www.neriuffik.gl

Saqqummersitsisoq:
Neriuffit Katuffiat - 2010 Ilusaa siulleq, naqiternera siulleq
Ilusilersuisoq: inuk Media ApS · Assit © inuk Media ApS
Quppersakkamit uuminnga nutsigaq: 'Træthed'
Nutserisoq: Kirstine Berthelsen



Neriuffit Kattuffiat
Postboks 1546,
Aqqusinersuaq 48 A,
3900 Nuuk
neriuffik@greennet.gl
www.neriuffik.gl

